

BERBANG

KOVARA FEDERASYONA KOMELÊN KURDISTANÊ LI SWÊD



NAVEROK

Ji bo Federasyonek xurtir ber bi pêş.....	3
Biranina Komara Mahabad.....	7
Kurd (KURDOX).....	8
Nameyek ji bo Seydayê mezim Cegerxwin.....	9
Mamosta Eladin Sucadi çû ser heqîya xwe.....	11
NEWROZ bi şahiyeki mezim hate pirozkirin.....	12
Çend gotin ser Konferansa Stockholmê.....	14
Pîrsên zarokên kurd.....	16
21 Sibata roja dijayetiya kolonyalzmê.....	17
Çend berhevok derhega kurdan.....	18
Tahir û Zar.....	19
Helbest.....	20
Ji bir û raya giştî re.....	21

Berpirsyar
A. BAWER

Pergala Rûpelan
M.A. GILLY

Raxistina Nivîsaran
SELİM

Redaksiyon;

H. ARAS
ROJHAT
F. REZAO
BIRÎNDAR
M.A. GILLY

B E R B A N G

Kurdisk tidskrift, utges av
Kurdiska Riksförbundet. Ansv-
arig utgivare och Redaktör:
A. BAWER. Layout: A.M. Gilly-
Sättning: SELİM

A D R E S S

Kurdiska Riksförbundet,
RISSNELEDEN 55,NB
172 44 SUNDBYBERG/SWEDEN
TEL:08/984553

Prenumerations Medlemmar
50 -kr/år Övriga 100.-kr/år.
Postgiro. 64 38 80-8

Xwendevanên hêja,

Piştî kongra Federasyona Komelên Kurdistan Li Swêd ya 5'an, hejmara yekem ji xwendevana ra pêşkêş dikin. Vê hejmara hanê hinek derengi ket. Lê, dereng ketina vê hejmarê ji sedemên teknîkî û kurtayiya wexte. Ji ber ku kongre wê di meha Heziranê da car din çê bibe.

Em hêvidarim, ku wun li me negrin û alikariya xwe ji Berbangê ra nişan bidin. Jindariya her kovareki grêdayi alikariya xwendevan û nivîskaraye.

BERBANG

B E R B A N G

Kovara Kurdi, Xwedi: Fede-
rasyona Komelên Kurdistanê
Li Swêd.
Buha: 5 Kron.
Abona saleke: 50 Kron, 30 DM.

N A V N Î Ş A N

Berbang, Rissneleden 55.NB
172 44 SUNDBYBERG/SWEDEN
Tel: 08/984553
Postgiro: 64 38 80-8

JI BO FEDERASYONEK XURTTIR BER BI PEŞ

Dî dema iro da, bî sed hezaran kurd lî welatên Ewrûpayê Ciwar bûne. Ew jî ber sedemên abori û siyasi jî welatê xwe derketne. Problemên wan jî, her wusa cûre-cûre ne. Mirov dikare van probleman weha bî rêz bike:

– Serê her tîştî, ew mirovên welatek mêtîngehî. Belangazî, birçîbûn, bekari û paştamayi rolek girîng dileyize dî jiyana wan da. Jî bo gelê kurd problemê herê mezîn ev rewşê. Dî welatê biyani da jî, ev zerp bî her hawayî xwe dîde xuya kirin.

– Jî sedemên biyanitîyê û kulturên cîhê, tesîrek psikolojîk û dîlsariyek peyda dibe.

– Problemeke mezîn jî, tîrsa qebûlnekîrîna heqe rûniştandinê û bê kar mayînê ye.

– Jî xêni van sergêjayîyan ew herî kîja welatê Ewrûpayê jî, jî çerxa kedxwariyê xelas nabîn.

Lê gelek kurd dî welatê Ewrûpayê da jî alî çandî, ciwaki, sosyal û zîman da xwe nû dikî û pêş da dîçîn. Gelek jî

wan rêya tekoşerî û welatparêzî lî van dera fêr dîbîn û dî xebatê weha da cîh dîgîrîn. Bî çî hawayî dibe bîla bibe, lî hember dujman danasîna rêya tekoşînê û karên rexistîni gaweke pêşketîne ye û tewgerek girînge.

Îro dî Kurdistanê da jî, dî welatê Ewrûpa yê da jî, du rê lî ber me heyê. Yan mirov jî her tîştî ra bê deng dimîne û rîzang û bêkêr dibe, yan jî, dîjî zordariyê rêya tekoşeriyê hîldîbjêre. Dî nav van herdu rêyan da rêkî dîn tune. Hîlveşandîna sazûmanîna zordariyê bî tekoşîn, karên rexistîni û hevkarîyê ye. Wextê, ku em rewşa welatê xwe, zulm û tîda ya cunta faşîst bînin ber çav, girîngiya karên rexistîni û hevkarîyê, bê tîr xwe bîde xuyakîrîn.

Lî Swêd jî, dî navbeyna 5-6 hezar kurd ciwar bûne, dî karên siyasi û demokratîk da cîh gîrtîne. Jî van karên hêja yek jî, damezrandîna Federasyona Komelên Kurdistan lî Swêd e. Bîngeha Federasyona Komelên Kurdistan berya 5 sal berê hate avêtî û gelek komalên Kurdis-

tanê tevi bir û baweriyên xwe yê cîhê dî bîn vê navê da hatîne kêleka hev. Bî rasti ev xebat gaweke pêşketî û xîzmetek hejabû. Dî vê wari da watîniyên ku dîkeve ser milên me, xurtkîrîn û firehkîrîna vê rexistîne ye. Gava, ku em dî xebatên demokratîk û siyasi da mîl bîdîn hev wê zêdetîr tekoşîna gelê me pêşkeve û wê zêdetîr pîrsên gelê Kurd dî nav gelan da belav bibe. Dî gel viya jî, pîrsên me yê vê derê wê bî hêsani çare bê lêkîrîn. Dî Swêd da jî bo standîna mafên demokratîk, çandî, zîman û hwd. dîve Federasyona Komelên Kurdistan lî Swêd bê çalakkîrîn û xurtkîrîn. Em lî Swêd dîkarîn gelek olaxan bî kar bînin, lî ser çand, zîman, sînet û mafên radio-Tv û hwd. Wek, ku me lî jor jî got, evya girêdayî hevkarîyê ye. Jî ber vê yekê, jî bo karên demokratîk bîla şîara me xurtkîrîn û bî hêzkîrîna Federasyona Kurd be!

Kongra Federasyona Komelên Kurdistan lî Swêd pêkhat. Roja 17 Çîriya Paşîn 1984'an da kongra civiya. Lê, kongrê da

piraniya nûneran çê nebû. Ji ber vê yekê, kongra di roja 26-27/1/1985'an da civiya. Ji bo meşandina kongrê diwan hate hîlbijartî û rojeva kongrê hate qabûl kirin.

Rojeva kongrê bi vi tehri bû:

- 1— Hîlbijartîna diwanê
- 2— Bijartîna nûneran
- 3— Axaftîna serok
- 4— Axaftîna mêvanan
- 5— Rapora Komîta Çavder
- 6— Rapora Xebatê.
- 7— Rapora Aborî
- 8— Rabezrîn li ser raporê
- 9— Guhartîna Destûrê.
- 10— Rûspîkirin
- 11— Hîlbijartîna Organên Nû
- 12— Biryarên Kongrê
- 13— Pêşneyar û Girtîna Kongrê

Komîta karker raporên xwe yên salawextî pêşkeşê kongrê kirin. Li ser raporê rabezrîn çêbû. Û komîta karker hate rûspîkirin. Piştî wî jî hemû kome-lên, ku di kongrê da beşdar bûbûn komîta karker ya nû hate hîlbijartî û gelek biryarên girîng hate qebûl kirin. Biryarên, ku di kongrê da hate qebûl kirin:

* Îro li cihanê leceke mezin di warê çek-silahan da dajo, Reagan, hêzên êrîşkar wek NATO û yên mayî dîxwazî şereki nûn derkeve. Kongra me vê yekê wek belake mezin dibîne. Îro, çekên atomîk her dîçîn zêde dibî, aşîtiya hemû cihanê û mirovatîyê ketîye nav tengasîke mezin. Kongra me bawer dîke wekî ev mesrefên ku jî bo çek-silahan dibî, dikare hemû mirovên vê cihanê têr bike. Kongra me li dijî van şerên nûn radiweste û cihê xwe li bal hêzên aşîtxwaz dîgre.

* Kongra me li dijî imperyalîzmê, dîktatorîyên êrîşkar radiweste û tekoşîna gelên bîndest silav dîke. Kongra me alîkariya tevgerên bîndest dîke.

* Kongra me li çar beşên Kurdistanê piştgiriya tekoşîna gelê kurd dîke û hertîm li bal vê tekoşîne ye. Ji bo danasîna vê tekoşîne di nav hemû hêzên demokrat, pêşverû û aşîtxwaz da, kongra me alîkariya van hemû karan dîke. Kongra me alîkari û piştgiriya gelê kurd wek berpirsariyê dibîne.

* Ew rejîmên ku Kurdistan di nav xwe da beş kirîne, ew rejîmên kevneperest, rejîmên Tirk, Erebb û Faris bi taybetî li ser gelê kurd, wusan jî li ser gelên navçê zordestîyên bê-hempa pêkanîne. Kongra me hemû van zordestîyên kevneperest û faşîst protesto dîke û li bal van gelan û tekoşîna wan cih dîgre.

* Li Kurdistanê di nav hêzên welatparêz da car-carna nebaşî û şer peyda dibî, ew çek-silahan dîkşînin hev. Ev yeke bi rastî zîrareke mezin dîgîne tekoşîna gelê me ya rîzgariya netewî. Hemû ev karana kêrî dijîmî tîn û wan kêfxweş dîke. Ji bo pêşketîna tekoşîna gelê me, Kongra me sekinandîna van şeran pêwîst dibîne.

* Îro li Kurdistanê, li her beşeki tevgerên cihê li hemberî dijîmî şer dîkî, pêwîste ev tevgerana di nav xwe da hevkarî û piştgiriya bike. Kongra me vê yekê girîng dibîne.

* Li her çar perçê Kurdistanê hemû hêzên welatparêz pêwîste, bi hemû hêzên şoreşvan û demokrat yên wî welatî va dostayeti û hevkarîyê pêk bîne. Kongra me dîxwazîyê ve dostayeti û hevkarîyê di pratîkê da dibîne.

* Di nav rêxîstînan da car-car na hîm dubendî û nexweşî peyda dibî, hemû ev pîrsên hundurî pêwîste bi xweşî û metodên îknaê va bî çarelêkirin. Metodên zorê rîya xelasiyê ni-

ne. Li Ewrupe kuştîna hîm kesen welatparêz me dîlteng û xemgîn dîke, kongra me van metodan xelet û şaş dibîne.

* Cuntaya kolonyalist û faşîst li Tirkîyê, bi imperyalîstên Emerîkî va ketîye nav hevkarîke mezin. Ev hevkarî dîxwazî li Kurdistanê û wusan jî li navçê zora hemû tevgerên li dijî imperyalîzmê, tevgerên gelên bîndest bibe, wan bend bike. Ji ber vê yekê, ew dîxwazî "Hêzên Bî Lez" li Kurdistanê ciwar bîkî, cîgehên nûn bîdî ber destên Emerîkayê û fuzeyên nuklerê li vê hêlê ciwar bîkî. Kongra me hemû van planên tari û sosret protesto dîke. Li aliyê dîm, êrîşkariya hukmetên Tirk li perçeyên Kurdistanê yê dîm, bi taybetî ketîna ordiyên Tirk, Kurdistanê Iraq û Îranê protesto dîke.

* Li Ewropê iro li gelek welatan nijadperestî, dijayeti li hemberî biyaniyan û kevneperestîke mezin li dijî karkerên biyani tîn ajotî. Kongra me jî bo sekinandîna van karên nijadperestîyê tekoşîna dîde û dostayeti gelan dîxwazî.

* Çawa tîn zanî iro gelek multeciyan politik tîn li Swêdê û mafê rûniştandîne dîstînin. Kongra me, jî ber vê yekê kêfxweşîyên xwe dîyar dîke. Ji aliyê dîm gelek rêxîstî, sazgehên pêşverû û demokrat piştgiriya gelê Kurdistanê dîkî û alîkariya xwe nişan dîdî.

Îro li Kurdistanê li ser çand, zîman û hebûnê gelê zordestîke şovenîst dajo. Lê li Swêdê jî bo zarokên kurd mafê zîman tîn dayî, çanda gel bîserbestî pêşta dîçe û di vi warî da gelek kar û xebatên hêja pêk tîn. Kongra me vê yekê wek pêşketîneke pozîtîf dibîne.

Kongra me wusan bawer dîke wekî ev karana pêwîstîna bîndestîyê û başkirîne. Di vi warî da alîkariya gelê Swêdê me

gelek kêfxweş dîke.

* Çawa tê zanin iro li Swêdê gelek neteweyên cuda dijin û gelê kurd ji, ji van netewan yekê. Ji bo xurtkirina dostanetiya navbera gelê Swêd, Kurd û gelên mayin yê pêşverû û demokrat, kongra me zêdekirina xebatan hêvi dîke û li dîji dijî dijîminatiya biyaniyan pêwîste em dengê xwe bilind bikin.

Kongra me mafên radyo û televîzyonê bi zîmanê kurdi pêwîst dibîne. Ji bo van mafan, kongre bi çalaki xebateke xurt dixwaze.

* Me sala çûyi sê kurdê welatparêz, pêşverû û mirovperwer wunda kir. Her sê kurdê dîlşewat, Tewfîq Wehbi, Yılmaz Guney û Cigerxwin ji xebatek bêhempa û bilind da. Dîgel vana sosyolog û tekoşerek mezin İsmail Beşikçi, ji ber nîvisê, ku li ser Kurdistanê nîvisiye, hê ji li girtigeha faşîstta ye.

Kongra me ev çar kesên mezin û xabata wan ra hurmeta xwe pêşkêş dîke û wan ji bo endamtiya şerefê hildibêre.

* Konra me ya pêncan, silavên germin û şoreşgeri ji pişmergeyên, ku diji dijîminê dagirker şer dîke, bi rê dîke.



SILAVNAME

Jİ BO KONGRÊ

Ji Konra 5'an ya Federasyona Komelên Kurdistanê li Swêd re.

Em di rêngora we ya 5'an de serketin û serfirazi dixwazin.

Em hêvidar in di pêşerojê de hûn di kar û barên xwe de bi serkevin.

Bi silavên şoreşgeri û birati Rızgarixwazên Neteweyên Kurdistanê

KUK

Liqê Swêd

Ji diwana Federasyona Komelên Kurdistan ra, kongra 5 emîn.

Weki ku hun ji dîzanin girîngiya vi roja han wisa vekiriye ku li ser nayê mînaqêşekirin.

Dîvê roja girîngda daxwaziya me ewe ku ev kongra han bibe gaweke pêş ji bo helkîrîna problema û serfiraziye.

26-1-1985

bi silavên germ Komîta Piştgiştîya gelên Kurd û Tirk li Uppsala

vina we iro ghişte me. Em pê gelek kêfxweş bûn û spasi we dikin.

Mixabın beşdarbûna me ya Komcivînê ne mîmkîne lê em bi dil bi we re ne. Hêvidar in ku dê ev Komcivîn di riya pêşvebirin û kûrandina jiyana demokratîk a Federasyonê de gaweke berepêş i grîng be, peywendî û têkiliyên nav Kurdên welatparêz ên swêdê xurtir û ahengdartir bike û ji vê Komcivînê Federasyonê hê bîhêztr derkeve ji bo çêtir xîzmeta gelê kurdê bîndest.

Dî xebatên we de serketin û serfiraziye mezin daxwaz dikin, silavên dilgerm ên hemû hevkarên Enstituya Kurdi pêşkêş dikin.

Enstituya Kurdi

Zor sîpas ji bo banga we. Mixabın ez nîkarim û imkânên mîn tunene weki ez di kongra we da cih bigrim, lê disa ji, ez dixwazim ji we ra silavên xwe bîşînim û ez ji we ra kongreke serfiraz hêvi dikim.

Hevalên hêja,

Vexwendnana ji bo Komcivînê

ANİTA GRADIN
Wezîrê Mihacîran

Me gelek dıxwest, dı kongra we da em beşdar bıbin, lê mıxabin dı wê demê dacıvına me ya rêvabırınê hebû. Jı ber vê yekê, em ji we ra hêvi dıkin sılavên serketinê û hêviyên kêrhati û baş ji bo kongra we û ji bo hevkarîyê.

Bı navê Federasyona Yugoslavan serok

Miodrag Smiljanic

Jı seroktiya diwana kongra Federasyona Komelên Kurdistan lı Swêd ra,

Dostên gıranbıha,

Komcivına we (kongre) dı demeke ku, dınya û welatê me dı nava kritikê deye, kom bû.

Tede û sawa ku cunta faşist lı ser gelê me dajo, bı êriş û operasyonên jenosid(qırkırm) ku, dı vê dema dawin de lı bakur û başûri Kurdistanê hate kırm, gıha bergehê nû.

Jı çı sedemê dıbe bıla bıbe, ev tadên ku lı Kurdistanê tên bıkarandin, zor û operasyonên jenosid ji stratejiya emperyalizmê ya ku, dıxwaze lı rohilata navin kelehên xwe yêni keti bıcebirine û bıhêztr bıke, nayê qut kırm.

Em İSTİB dıxwazın carek dın dıyar bıkm ku, em lı gel gelê Kurd ın ku, hatiye belengaz kırm, perçiqandın û wendakırına wi tê xwestın.

Dıvê general destên xwe ji ser gelê Kurd bıkışın. Pıştıgırıya bı gelê Kurd ra iro bûye nişana demokratbûn û aşitixwaziyê. Yêni ku şerê gelê Kurd ku, ji xeyni xwestın û pêşkêşkırmına mafê çarenûsi pêve tıştêki dın naxwazın, bı sedama mija provakasyonan nebinın, û ji vê sedemê yêni ku lı hemberi kampanyayê şermizari ûşovenist ku ji bo netawa Tırk şermizari ye, seyırdar bıbinın lı gor me, dı metırsên (tehlûke) ku Tırkiyê lı hembere hê tê ne gıhiştine.

Metırs mezın û cangıre. İro, ser ketına gelê Kurd û Tırk lı hember cunta faşist, gırêdayi

yekitiya hêzên herdû gelane.

Em pıştıgırıya gavên ku, ji bo yekiti, pıştıgırı û hevkarıya herdû gelan bın avê tın, dıkm.

Em Bawerın, danûstandınêni dostani ku, dı navbera me da hene wê hê xurtır bıbe.

Em komcivına we ji dıl piroz dıkm, serketına we dıxwazın.

Bıji tekoşına gelên Kurd û Tırk!

İSTİB

Yekitiya Pêşverûyên Tırk

lı Swêd

Jı Oswald Sodeqvist ra,

Em, bı vê nama xwe, ji te û hevalên te yêni partiyê hêvi dıkm, ku wun buyera mudaxelekırına Tırkiyê lı ser zarokxana kurdi lı Tensta bıbin meclisa Swêd.

Lı gor dan û standına me bı kurdên Swêd ra ew ji lı ser vê buyerê gelek binteng bûne û bê alıkar mane. Bawerıya wan eve, ku Swêd dıkarıbû bı xurti lı dij vê mudaxela Tırkiyê derketa.

Bı sılavên germin

Jı Ove Radberg ra

Em gelek spas dıkm, ku tu lı dij mudaxelekırına konsolosiya Tırkiye ji zarokên kurd ra xwe dı derketi.

Em, Federasyona kurd, ji bo xebata te yê ser zarokxana kurd lı Tensta, carek dın ji spasên xwe dıyar dıkm û pıştıgırıya te dıkm.

Bı sılavên dosti Federasyona Komelên Kurdistan Lı Swêd

Jı hukumatê ra,

Em navbera 5-6 hezar kurd, ku lı Swêd rûdınên, xwe û zarokxana kurdi lı Tensta, dıbin tehdida balyozxana Tırkiyê da dıbinın.

Em hêvi dıkm, ku mesela za-

roknana kurdi lı Tensta û mudaxelekırına balyozxana Tırkiyê dı hukumeta wê da bê mınkeşekırın.

Bı sılavên germin Federasyona Komelên Kurdistan lı Swêd

Jı Meclisa Swêd ra,

Em navbera 5-6 hezar kurd, ku lı Swêd rûdınên, xwe û zarokxana kurdi lı Tensta, dı bin tehdida konsolosiya Tırkiyê da dıbinın.

Em hêvi dıkm, ku vê buyera han lı meclisa Swêd bê te mınkeşekırın.

Bı sılavên germin Federasyona Komelên Kurdistan Lı Swêd

Jı bo kongra 5. ya Federasyona Komelên Kurdistan lı Swêd

YNK sılavên xwe yêni germ û pirozbahiyên xwe pêşkeş kongra Federasyonê dıke. YNK hêvi dıke ku kongre ji bo bıcihanına armancên gelê me û mafên wi yêni demokratik, neteweyi û mirovahi dı warê rênişandan û ronıkırına planên xebatê de bı ser keve.

Her weha em hêvidar ın ku Federasyon bı ruhiyeteki fedekari û bı zaninekê berpırsıyari yêni erkên niştımani û bı dılsozi û hişyari ji bo yekkırın, birêxıstın, xastına nav xebat û xurtkırına hemû hêzên Federasyonê rê û rêgeh dayine pêş xwe.

Û ji ber vê yekê ji parastına yekitiya hêzên Federasyonê û peştexistına wan gelek gırıng e. Jı lewre, hıngê bıyarên kongra we bı cih tên û ev yeka ji bo gelê me, şoreşa wi û xebatên wi yêni rızgarıxwaz dı hemû parçên welatê me yê wergırıti û dabeşkırı de, dı warê rızgari û paşerojeke çêtir de dıbe hizmetekê hêja.

Yekitiyê Niştımani Kurdistan Rêxıstına Swêd

26.01.1985



BIRANINA KOMARA MAHABAD

A. BAWAR

39 sal berê, 21'ê Çileyê Paşin sala 1946 an da bî pêşengiya PDK-Îran lî Kurdistanê Îran da Komara Mahabadê hate damezrandin. Her çiqas emrê Komara Mahabadê kurt bû jî, damezrandina Komarê dî jîna gelê kurd da, dî diroka Kurdistanê da cihêk û rolek gelek girîng digre.

Wek tê zanin, dî despêka şerê cihanê ya duwem da leşkerê Yekitiya Sovyet jî alî bakur va, leşkerê Îngilîzan jî jî alî başur va ketibû Îranê. Yekitiya Sovyet jî bo, ku sinorên xwe yê Qefqas-ya bîparêze û qewî bike ketibû Îranê. Dema ku leşgerên Sovyet Kete Îranê, leşgerên Îranê jî Kurdistanê kişiyên û çek-silahên xwe lî vir hiştin. Gelê kurd vi fersendê baş bikar anî û çek-silahan bî dest xistin. Dî sala 1942 an da bî navê Komel rêxistinêk hate damezrandin û ev rêxistin dî demekî kurt da bîngêh girt, gelek xurt bû.

Dî demekî kurt da jî alî rêxistinî, hunermendî, çandî, weşanan û hwd. pêşveçûnek mezîn pêk hat. Bî navê DAYKA NIŞTIMAN tiyatroyek, bî navê KURDISTAN rojnameyek, bî navê HILALE kovarek jînan, bî navê HAWAR Û Agir jî, weşanên hêja hatin weşandin. Bir û bawerîya welatparêzî gihîştê merheleyek bilind. Jî her çar perçên Kurdistanê nûner dihatin vê derê, vi roja hanê pîroz dikirin û şa dibûn.

Dem a, ku rêxistin a KOMEL hatibû damezrandin, Qadi Mihemmed jî bûbû endamê vê rêxistinê. Dî sala 1945 an da heyetek çû Yekitiya Sovyet û bî serokwezîrê Azerbeycan, Cafer Bakirov ra axîfî. Ev hevdi tî jî bo xudmîxtariya Kurdistanê bû. Danûstandina nava kurdan û Sovyet roj bî roj xurt bû û bî navê KOMELA ÇANDA KURDIS-

TAN Û SOVYET komelek hate damezrandin. Dî sala 1945 an, meha Cotmehê da lî ser himên KOMEL'ê PARTÎ DEMOQRAT A KURDISTAN hate damezrandin.

Sala 1946 an meha Çileyê Paşin da, lî meydana ÇUWARÇIRA da Qadi Mihemmed damezrandina Komara Mahabadê êlan kir. Qadi Mihemmed bû serokê Komarê. Piştî damezrandina Komarê, navbeyna Komara Azerbeycanê û Mahabadê pêwendî xurt bû û dî dî navbeyna herdu komaran da peymanek hate êlankirin. Lê, avakirina herdu komaran, imperyalizmê pîr ne rehet dikir. Jî alî imperyalizma Emerikî û Îngilîzî gelek dek û dolav hatin gerandin. Sala 1946 meha Gulanê da Sovyet leşgerên xwe jî vê derê kişand. Wê demê bî alîkariya Emerika û Îngilîzan, leşgerên Îranê êriş anin ser Azerbeycan û Kurdistanê. Lî hember vê êrişê biryara gelê kurd, parastina welatê wî bû. Dem a, ku Azerbeycan kete bî destê Îran, rewşa kurdan jî ne baş bû û hîm serokêşîr çûn gihîştin Îraniyan. Şoreş têk çû. Mahabad teslim bû. Qadi Mihemmed, serokwekil Heci Baba û baqanê şer Seyfî Qadi hatin dardakirin.

Jî wê rojê heta iro gelek sal derbas bûn û gelek tişt guhurin. Gelê kurd bî agirê wê rojê tîm şewitî, ew agir tucar ne temîrî. Iro jî, lî çiyayên Kurdistanê Îranê, ala azadiyê dî destê pêşmergên qehremanan da bûye tîrsa xewnê dijmin. Bila dijmin baş bîzanibe, ku gelê kurd tucar serî pêl nake û heta welatê xwe rîzgar neke, nasekme!

KURD

KURDOX

Pirtûkek nûh bî navê 'KURD' bî zimanê ûrîsî lî paytexta Sovyetistanê lî Moskova sala 1984 an da hat weşandin.

A.M.Mêntêşaşvîlî nivîskarê va pirtûka gıranbuha ye, nivîskarê gernas berê jî pîr pirtûkên hêja bî zimanê dayîka xwe gurci, lî ser gelê me dane çapkırın, wek "Pîrsên Pêwendiyên Zevî Çandîne dî Kurdîstana Hevdemda" Tîblîs 1976. "Pîrsên Dîroka Kurdan lî Rojhîlata Navîn da" (sedsalên x-x) Tîblîs 1978. "Jî Dîroka Tevgera Rîzgarîxwazê Kurdan lî Iraqê" (1919-1925), Tîblîs 1965. "Kurd û Kurdîstan" (pîrsên pêşda çûna cıvaki û aborî), Tîblîs 1977 û yê nî mayîn.

Berpîrsiyarê rêdekta pirtûka "KURD" hozanê mezî nî dîrokzânê bî nav û deng, xudanê pîr pirtûkan lî ser gelê me, M.S. Lazerev'e.

Pirtûka nû bî 238 rûpelan e û bî sê beşên bîngêhên hatiye parvekirin. A.M.Mêntêşaşvîlî dî pêşgotîne da dînvîse, axa Kurdîstanê dî nav çar hukûmetên rojhîlata Navîn û Nêzik da (Tırkiye, İnan, Iraq û Suriyê da) hatiye dabêşkirin. Kurdîstan 408 hezar km² ye. Kurdîstan cîheki erdnîgari zor gırînge, herdem bala biyanîyan bî sar xwe da kışandîye. Kurdan bê rawestan û bî mêrani piştgiriya xwe lî dijî êrişên Ereban, Tırkan û Farîsan kırıye.

Dî despêka heyama derebegiyê da imaretên kurdi (Mîristanên Kurdan) bandora rêzaniya gewre lî rohlata navîn kırıye, rolek mezî nî enînvîsiya gelên navçê da listiye. Jî despêka sedsalên şanzdan Kurdîstan bû meydana şereki bê rawestan, jî bo zepkırına wê du karbîdestên mîsluman, İrana Sefavî û İmparatoriya Osmanî lî dijî hev şer dıkırın, dî piştra lî gor peymanana "Zahîb" dî sala 1639' an da Kurdîstan dî nav xwe da parvekirin, ev dabêşkirin heta nîha rola ramyari dî enînvîsa gelê kurd da dîlîze. Piştî şerê Cîhanê ya Yekan, Kurdîstan dî nav çar welatan da hat parvekirin (Tırkiyê, İnan, Iraq û Suriyê). Kultur, abora cıvaki û rewşa rêzaniya dervayî lî her çar perçên Kurdîstanê ne wek hevîn, lê, tevî va cûre-cûre bûnê çar beşên Kurdîstan dî aliyê pêşdaçûna aborî da pîr wek hevîn. Dîrokzânê pîspor dî va xebata xwe da, bî taybetî lî ser pîrsên jêr sekîniye û bî nêrinên berbiçav lêkolîn û lêgerînên zanîstî lî van pîrsan kırıne.

A – Aborî, Jin, Rewşen û Şarîstan:

1– Perwerdekırına pêz (pêz xwedikırın).

2- Zevî çandın.

3 Bîngêha şeweyên zevî çandîne.

4-- Rewşa rênçberên zevî

çandîne.

5– Bajar û jîna bajêr, rewşa pêşekariyê û bazırganîyê lî Kurdîstana Tırkiyê, İnanê û Suriyê.

6– Jin (kulfet, pêwendîya mîrovî (xızmi), moral (exlaq) adet û ol.

7– Rewşen û Şarîstan. (Zîman û Nivîsandın, wêje, weşanên pêryodî (dem-demî).

B – Êlên Kurdan û Hevgirtîna Êlan:

1– Rewşa abora cıvaka êlan.

2– Pêwendîya aborî dî navêlan da.

3– Sistema yekîtiya rêzaniya êl û hevgirtîna êlên kurdi. (êl û yekîtiya êlan lî Iraqê, êl û yekîtiya êlan lî İnanê, êl û yekîtiya êlan lî Tırkiyê).

4-- Bîngêha rêzaniya hukmê serokan, êl û imaret (mîristan) serdarên navbendî.

C – Pêwendîya Zevî Çandîne û Pêşdaçûna Aborî:

1– Pêşdaçûna pêwendiyên zevîçandîne dî heyamên dîrokê da (dî sedsalên navîn da û dî dema nîha da).

2– Zevîçandın dî dema nîha da lî kurdîstana Tırkiyê, Kurdîstana İnanê, Kurdîstana Iraqê, Kurdîstana Suriyê.

3-- Bıkarîna zeviyê dî Kurdîstanê da, dî dema nîha da.

4-- Kırêkari (xebata bî kırê lî cem derebegan û dewlemen-dan), formên parvekirina berhemên zevîçandîne, kırêkari bî peran, kırêkari dî aborîya pêzxwedikırîne da, formên nû dî kırêkariya zevîçandîne da.

5 - Pêşketîna awayên zevîçandîne û pêşdaçûna hêzên berhemkar dî dema nîha da lî Kurdîstanê. (awayên zevîçandîne lî Kurdîstana Iraqê). (qanûnên zevîçandîne û guhartînen wan lî cem Kurdên Suriyê). (reformkırın û serastkırına zevîçandîne dî salên 60 lî İnanê û encamên wê yê nî bîngêhin),

(Dûmahîk Rûpel 18'a da)



**Nameyek
ji bo
Seydaye
mezin
CÎGERXWÎN**

Seydayê Keleş

Bist û duduwê dehan nexweş hat
Heştê û çaran duşema reş hat
Daxên te li dîl bî ar û şewat
Heyfe ko te rih daye Cegerxwin

Seyda te ceger lî me kîrîn sot
Rêça xebatê bo me gelek got
Şûva me beyar te lê dîkîr cot
Ka ew tev lîku maye Cegerxwin

Bo çî te nîha jî nav me da rê
Reş bûn lî me tev gulên buharê
Em tevde dîkîr qîr û hewarê
Derdê te lî me daye Cegerxwin.

Destê me çîma nîha te berda
Zûbû te rîhê şêrin bî derda
Zîyanek mezin gîha me kurda
Çûna te zirar daye Cegerxwin

Heft salan tu dûrket çû Swêdê
Xema te dîxun gelek vê de
Zanî ko me dîl agîrek têde
Ev kul tev lî dîl maye Cegerxwin.

Sed heyf û mexabîn me dîgotîn
Ev dîl û kezêb me tîm dîsotîn
Pîr tîştên te mabûn te negotîn
Ked kul bî te re maye Cegerxwin.

Bist salê dîn me dîgo tê bîmîni
Rîst û dîwanan jî mer bîşîni
Mîllet lê venêri wê bîxwîni
Soza te jî merdaye Cegerxwin.

Gazîn me dîkîr jî vê jîyanê
Tîrsa me nebû jî vê zîyanê
Hawar û gazî jî vê nemanê
Ka wek te lîku maye Cegerxwin.

Bîn destandê maye ev gelê me
Barê pîr gîran te da mîlê me
Agîr te rîjand lî nav dîlê me
Keyo ev xeber daye Cegerxwin.

Derdê te iroj lî me xuya kîr
 kani û çemên me te zîwa kîr
 Rengê xwe jî ber me te wunda kîr
 Berê me nivco maye Cegerxwin.

Sed gavên me yek piyên te nine
 Dengê te heta heta dimine
 Navê te dîçî ta Hînd û Çine
 Rêça te jî mer maye Cegerxwin.

Tu pîr gerekbû dî vê demê de
 Dîlê me te kuşt dî vê xemê de
 pelê me zerbûn dî vê lemê de
 Gazın me jî kê maye Cegerxwin.

Te pişt û milên me tev şikandin
 Bî sed û dehan te em xapandin
 İroj em lî hev te dan gerandin
 Mın dîl bî te re maye Cegerxwin.

Dîl sozên me tev lî ser te dîgrin
 Mêr û jînên me hemî dîkîn şin
 Em tevde lî ser te bûn ceger xwin
 Navê te jî mer maye Cegerxwi

Rewşen bî te bû, tu bû çîra me
 Kara me tu bû, tu bû gera me
 Baskê me tu bû, tu bû fîra me
 Rênasê me kurdaye Cegerxwin.

derdê te lî ser me pîr girane
 Me dîl û hînav hemî bî jane
 Gazın jî me nek em bê rewane
 Zana û tu hêjaye Cegerxwin.

Rengê te lî ber çavê me saxe
 Rîstên te lî nav destê me baxe
 Rîhni û lî ber me tîm çîraxe
 Zanin ko tu seydaye Cegerxwin.

Kara me dî karê te de pîrbû
 Para me dî xema te de dirbû
 Ağır te didada tîmî gurbû
 Te nav dî millet daye Cegerxwin.

Şûna te lî nav me pîr xuyaye
 Navê te lî nav me pîr buhaye
 Rûni û te rewşên pîr dîdaye
 Nişana xebat maye Cegerxwin.

Banga te gîha Awrûpa tevde
 Dîr û cewherbû zîman dî dev de
 Wek hîva lî çardehan dî şev de
 Mala te xweş avaye Cegerxwin.

Şopa te lî dirokê xuyaye
 Dengê te lî cihanê belaye
 Yek wek te dî nav me de nemaye
 Navdar û ne wundaye Cegerxwin.

Peyaki gelek jir û çelengbû
 Rengê te weki şêr û pîlîngbû
 Mêrxas û gelek bî nav û dengbû
 Dengê te jî mer maye Cegerxwin.

Dengê dîçû ta bînê deryan
 Bo êşa millet te daye derman
 Bo kurdê me tu hekimê luqman
 Dara te ye pel daye Cegerxwin.

Xêzên te lî nav millet bî carek
 Şin kîr te lî nav kurda buharek
 Nehîşt te lî Kurdistan beyarek
 Tovê te ye zil daye Cegerxwin.

Fortên te ketin guhê neyaran
 Zengîl te bîrîn serê zînanan
 Qîrin te didan lî her kenaran
 Dîjîmın ketiye tayê Cegerxwin.

Sed rehmet lî gora te bîbarî
 Kurê Hesênê Sofî Hesarî
 Karê te dîkîr hemî şîyarî
 Keleş hê bî ter maye Cegerxwin.

Gel tev de lî ser te civiyaye
 Gora te dî nav gulân de maye
 Mîzgin me lî te guneh ne maye
 Deng bo te millet daye Cegerxwin.

Mamosta ELADİN SUCADİ

Çû ser heqiya xwe

Aso Garmiani
Stockholm.



Kurteyeki jiyani Mamosta
ELADİN SUCADİ

Eger birwanine kelturi u kelew-puri milli u folkloriman debinin xaweni serçaweyeki zor dewlemendin le niştımanek da ke çendeha zana u edibi benawbangi weku Xani u Mewlewi u Goran u.....heta.

Niştımanek herdem goristani dujmunan u gorepani coreha zolm u zordari u dayki hezareha şehid u çênımuney qaremaneti u xoragirtin beramber koştın u daplosin.

Niştımanek ke melbendi raperin u şoriş u xaweni deyeha dastan u çiroki palewaneti u şorişgeriye. Lew rojewe ke kurd seri dawle le Kurdistan da, aşkıraye uşey reseni kurdi u zımani zigmak be xem u xwên u jan Her le mêjewe çendeha zana u şair u têkoşer u edib le naw cergey kurdistan da le Soran u Mu kiryan, le Cezire u Botan helkewtûn u gewre bûn u debın.

Lewane...şorişwarêki resen, rojnamenuseki pesen, nusereki swarçak, edıbeke zor despak, kurdperwerekı zana, mêju nuseki dana, benawbangeki le hatu, mezıneki nemırdu....., Zanay kurdi koç kirdûyi nemır Mamosta Eladin Sucadi, ke xaweni berhemeki zori kurdi ye,

weku samaneki gewre u yeki zor dewlemend le iyani bi u roşınbiri da.

Mamostay xwa lê xoşbu şaswari be twanaw pıspori meydani (mêjûy edebi kurdi) u nırx şınasi u edebi kurdi nwê u...het-yen weku rojnamenusu zımanzan le govari Galawêj u nizar da kari kirdûwe. Her weha weku mêjunuseki netewey u helsen-gandini şorişekani kurd u Mamosta Sucadi le naxi dilewe xızmeteki zori edebi u zımani kurdi kirdiwe u zor dilsoz u kurdperwer bûwe, eger çı çerxi gardın zana u nusereki way le sendin! Eger çı koçkirdini Mamosta Sucadi ziyaneke gewre belam mamosta her nemıre u le naw me da her dıyare u le bir u hesti me da emêne.

Mamosta Sucadi çendeha roley kurdi pe geyand u birwa namey bekaloriosi edeb u zımani kurdi pêşkêş kirdın u esta ewaniş le xızmeti edeb u zımani kurdi da tedekoşın.

Her çende bo mamosta Eladin binusre her keme, çunka mamosta qerzeki zori le ser mane! Ca boye debê xamey xwendkaran le gırbê le pênavi ni wişey kurdi u hiwadarin ê-meyş bitwanin lew xızmeteda tk bigeyenın.

Mamosta Eladin le sali 1915 le dayka xwe bû. Le faqeyeti u layeti xwenduyeti u le hereti laweti da hatete meydani jiyani roşınbiri u rojname nusûwe u leki balay biniwe le govari Gelawêj da ke de sali xayand, her weha nuseri govari nizar biwe ka govareki ramyari u roşınbiri biwe u 22 jımaray le derçwe.

Mamosta Eladin endami karay kori zanyari kurdi biwe u tar u lêkolineway le jumarekani govari kori zanyari kurda bilaw kirdotewe.

Mamosta Sucadi le êvarey 13/12/1984 da koçi dıway we.

Berhemekani

Mamosta Sucadi zıyatır le bist kîtêbi benırxı heme cori danawe weku:

- 1- Mêjûy edebi kurdi.
- 2- Nawiy kurdi.
- 3- Geştık le Kurdistan da.
- 4- Destûr u ferhengi kurdi.
- 5- Hemışe benar.
- 6- Edebi kurdi niwê u lêkolıneweke edebi kurdi.
- 7- Nırx şınasi.
- 8- Kurdevari.
- 9- Degekani edebi kurdi.
- 10- Kurd u şorişekani kurdi u komari Iraq.

NEWROZ

BI ŞAHIYEKÎ MEZIN HATE PÎROZKIRIN

Niha li Kurdistanê zivistana sar û xedar hukmê xwe wunda kiriye. Berfa çiyayan berxwe nade êdi. Cûre-cûre kulilk û çiçek ji serma û berfê ra meydan dixweynin û mızgina biharê li hemû çiyayan belav dikin. Daristan, mêrg û zevi xemlandiye seranser. Hemû mexlûqên tebyetê şitrana biharê, şitrana roj û jiyana nû dîstirên bi hevra. Tebyet ji xewa zivistanê şiyar bûye û ji nû va tovê jiyanê li

her ali direşine. Berf, serma, seqem û hemû belayên zivistana bextreş hukim nake û nikare berge li pêşiyajyanê bigre. Tovê jiyanê ji her car bêtir zil dide û li xwe dixê. Eyya berxwedane û bi serketina jiyanê ye li hember tofan û belayan!

Newroz di jiyana gelê kurd da ciheki gelek granbuha digre. Newroz mızgina serfiraziyê, serketinê, germ û roniyê û berxwe-

danê ye. Jin geş dibe, rê û dirb vedibin, gundi dadikevin bajaran. Dema dilanê ye, dema govendê ye, dema hevditina evindarara ye. Keç û bûk li ser kaniyan dighên hev û bi kêf û henekin. Jin dighên hev li bin diwaran, li ber tendûran û laqirdiyan dikin. Dayikên Kurdistanê disa keç û lawên nû tînin. Û gelê kurd ji jineki nû ra, ji berxwedanek nû ra xwe amade dike. Van gotinên me aliyeki jinê, aliyê baş û xweşik dide xuyakirin.

Lê aliyekê din ji heye, ku jinê dihermine, ti tam û xweşi nahêle. Ew ali, ku zarokan li ber diwaran stuxwar û sêwi; jin û bûkên cuwan bi; keçikên dergisti di malên bavan da çav li rê û dil şikesti; dê û bavan di his tirê çavan û di derd û xeman da bê hêvi dihêle. Malan wêran, mirovan koçemal dike. Kilit li devan dixê, mêjiyan zengar dike û jinê ji gel ra qedexe dike. Birçibûn, xızani, belengazi û hê siri, dizi, xerabi hoviti, teresi, û berederi peyda dike. Dewlemenda dewlementir, birçiyane birçitir dike. Ew e û navê wi faşizme, zordariye, kedxwariye, barbariye, Li pêş ronahiyê ewr û reşayi ye.

Bi hezaran karkir, gundi, xwendevan, ronakbir di girtigehandane. Gelek ji wan hatin





kuştın, birindarkırın, seqetkırın
Hemû cûreyên êşkencan têne
ceribandın. Welatê me yê xweş
û fireh dı bın lıngan da tar û
mar, bûye meydana hespê neyar.
Axa me yê ziv û zêr, keda me
tê kışandın. Welatê me dı nav
gurên dev bı xwin da hatiye
parvekırın. Dıxwın, vedıxwın,
kaş dıkın, talan dıkın.

Lê ser vi erdê hanê tıcar bê
hêvibûn cih negirtıye. Gelê
kurd wek pıngan ser piyane.
Lê mıxabın, Newrozek dın ji
dı bın nırê bındestiyê û koletiyê
da derbas bû. Dijmın hê ji a
dilê xwe lı hember gelê me pêk
tine. Lê kurd, ne kurdê berê
ne. Ew, nıha bı hêztır û zanatırın.
Dek û dolavê dijmin êdi baş
tê naskırın. Dijmın ji viya baş
dızane û ditirse. Û em bı vê
Newrozê gavek dın ji nêzi aza-
diyê bûn.

Wek her sal isal ji, Federas-
yona Komelên Kurdistan Lı
Swêd lı bajarê Stockholmê bı
şevê xurt Newrozê piroz kır.
Dı şevê da seriya hezari beşdar
hebûn. Şeva Newrozê bı axaftına
serokê federasyon vebû. Serokê
Federasyonê dı axaftına xwe da
bı kurti dirok û giringiya cejna
Newrozê da xuyakırın. Peyra,
rewşa her çar beşên Kurdistanê
êşkere kır û teda û zordariya,
ku ser gelê kurd tê domandın
rûreş kır. Dı dawiya a

xaftına xwe da bal kışand ser
rewşa gelê me, banga yekiti û
hevkarıyê û bı hêz kırına fede-
rasyonê kır. Dı şevê da belavok
hate belavkırın. Komên govend-
gêra çend numûneyên folklor
kurdi nişan dan. Komên muzi-
kan û sazband ji muzika kurdi
hunerên xwe amadekırın. Deng-
bêj sıtranên gelêri û folklori
pêşkêş kırın. Helbest hatın
xwendın û folklori zarokan
reng da şevê. Bı kurtayi şev,
dı kêf û şahiyê da derbas bû. Ji
xêni vana, ji bo pirozi ya şevê
gelek sılavname ji rêxıstın, ko-
mel û şexsan hatın: Partiya Pê-

şeng a Karkirê Kurdistan-Ko-
mita Swêd (PPKK), Rızgarixwa-
zên Neteweyên Kurdistanê
(K.U.K), Komita Yekitiya Mu-
waqat A PKK'ê, Koç-Kak, Ko-
mela Hevkari û Kulturi a Kurd
TOB-DER Komita Swêd, Komita
Piştgiirtina Rêya Şoreş Lı
Swêd, û hnek mirovên pêşverû
û welatparêz.

Federasyona Komelên Kur-
distan Lı Swêd cejna Newrozê
ya gelê kurd piroz dıke, ji gelê
me ra serketın û serfirazi dıxwa-
ze

—Biji Newroz!

—Biji Hevkari.



16/17 Sibatê 1985'an da li Bajarê Stockholmê Komcivinek pêkhat. Komcivin bi navê "Dî Tirkîyê Da Demokrasî û Heqê Mirovati" hate amadekirin. Bî rasti dî demeki weha tari û teng dî pêkanina komcivîne gavêki pêşketi û bûyere hêjabû. Komcivîna Stockholmê jî askerîna rûreşîya cûnta faşîst, jî bo danasina demokrasî û heqên mirovati yê Tirkîyê fersendek bû. Dî vî wari da gelek berpîs-yariyên grîng diket ser milê mirovên pêşverû, demokrat, aşîtxwaz û rîzgarîxwaz! Çawa, ku me bî hêviyekî baş li komcivîna Stockholmê mêze dikir, wusa jî, me hêviya bîyarên baş û objektîf dikir. Jî ber vê yekê jî, em bî komcivînek weha kêfxweş dibûn û pişgiriya wê xebate dikir. Lê mixabî ew hêviya, ku me jî komcivîne û nûneran dikir, ne hate pêkanin û komcivin bî kêmani û şaşitiyek mezî derbas bû.

Jî munaqêşekirîna demokrasî ya Tirkîyê û heqên mirovatiyê ra gotinek me tune. Lê mirovên, ku Tirkîyê jî nêz yan jî dûr va nas dikin, hemû jî, dizanîna dî Tirkîyê da ne tenê tirk hene, wusa jî, 12 milyon kurd û çend gelên biçûk jî hene. Jî dema Osmaniya heta iro gelê kurd û welatê wî Kurdistan dî bin nîrê kolonyalizmê da; dî bin zulm û tedayêk nedîtî da; dî bin asimilasyon û qedexeyan da jîneki dijwar dajo. Cunta faşîst li hember gelê kurd şereki ne êlankirî didomîne. Bajar û gundên Kurdistanê tene bombekirin, bî qefle-qefle tene girtin, êşkencekirin û kuştin. Êriş ne tenê li Kurdistanê Tirkîyê wusan jî, li hember Kurdistanê Iraq û Îranê te kirin. Cunta faşîst dî rojhilata navîn da bûye ussên êrişkariyê. Ew bî her

hawê planên Emerîka Yêkbûyi ê pêk tine û dî Kurdistanê da çek-silahên atomîk bî cih dîke. Niha jî, bî hezaran pêşverû, demokrat, welatparêz û mirovên bêri dî zindanan da tene nalandin. Dî gelek girtîgehên Kurdistanê da bî dehan kes dî êşkencan da hatin kuştin, bî sedan kes hatin seqetkirin û disa bî dehan kes bî fermî hatin dardakirin. Van zordestîyan bo çî tene kirin? Jî ber ku ew daxwaziya heqên demokrasî û neteweyî dikin, jî ber, ku ew dixwazî wek mirovan bijîn û hevçaxê gelên dinê bin.

Jî barê va hebûna gelê kurd hatiyê inkarkirin û evya dî Tirkîyê da siyaseteke fermîye, nîjatperestî û şovenî ye. Siyaseta dewleta Tirkîyan dî nav demokrat û ronakbîrên wî da jî şax daye û wextê behsa kurdan dibe jî, ew wek cî jî vê meselê dîrevî û rîcîfî! Iro jî, ew mirovên ku dî Tirkîyê da jî xwe ra dibêndemokrat, pêşverû û ronakbîr jî venî û dûvika burjuvaziyê ketîne û wextê behsa kurdan tene kirin siyaseta fermî dîxebîtinî. Jî ber vê yekê, tu daxwazekî me jî wan kesan tune û rewşawan ya çîneyetî jî me va aşkera ye. Lê daxwaziyên me jî rêxîstî û mirovên, ku zagonên şoreşvanî dîxebîtinî û xwe xwedî bir û bawerîki dibînin heye. Dî komcivîna Stockholmê da jî, daxwaziya me her jî mirovên wehabû.

– Ger dî Tirkîyê da heqên mirovati ketîbe bin lîngan, zêtirîne wî dî Kurdistanê da ye.

– Ger behsa birçîbûn û belengazî bête kirin, zîdetirîne wî dî Kurdistanê da ye

– Ger êriş, zulm, zindan û kuştin bête qisekirin barbarîya mezîna dî Kurdistanê da ye.

Çend Gotin Li Ser Konferans Stockholmê

– Ger behsa demoqrasiyê bête kîrîn, ev çend sed sale ku di Kurdistanê da heqên demokratîk ji bo gelê kurd hatiye zîncîrkîrîn û qedexekîrîn.

– Ger tekoşînek diji cûnta faşîst hebe, kurd ji kesi ne kêmtîrîn û berxwedanek mêrxasi dîdomînîn. Lî welat, lî girtigehan û welatên Ewrûpayê da ji, ji herkesi bêtîr kurd di tekoşînê da ne û di her fersendê da lî diji cûnta faşîst dengê xwe bilîndîkî.

Pîştî, ku rewş û rasti wehaye, çawa di komcîvînek, ku lî ser Tîrkiyê munaqêşe bete vekîrîn û mîlletek 12 mîlyon nê dîtî..!


Wextê ku lî ser denoqrasîya Tîrkiyê û heqên mîrovatîyê munaqêşe bête vekîrîn, bî tu ha-wê mîrov nîkare gelê kurd ji

meselê cûda bîke. Dî Tîrkiyê da hebûna demoqrasîyê grêdayî çarelêkîrîna mafê gelê kurdan e û wextê komcîvînek weha da ji, mesela gelê kurd nê şîrovekîrîn evya korîti û şaşîtiyekî mezîne. Ew mîrov û rêxîstînên ku di vi munaqêşe da lî ser navê pêşve-rûtiyê, demoqratîyê û şoreşva-nîyê mîlletek 12 mîlyonî nebîne û lî pîştî guhê xwexe, mîrov dîkare bêjê ku ew ji aşê burju-vazîyê ra av dîkîşîne. Lê mîxabî, di komcîvîna Stockholmê bî zanebûn mesela gelê kurd ne hate munaqêşekîrîn û dîsa bî zanebûn ji bo ku nekeve munaqêşe gelek xweydan hate rêtî.

Dî komcîvîne da avukatek kurd Yûcel Yeşilgoz renek da

vê munaqêşê, mesela kurdan anî ber çav û rexne lî kêmanîya komcîvîne girt. Dûra ji, pêşneyarek lî ser mesela gelê kurd pêşkêş kîr. Dî komcîvîne da ji xêni du kesan, kes alîkariya vê pêşneyarê nekîr. Lê pêşneyara Yucel Yeşilgoz gelek bala nûneran û mêvanan kîşand û bî lî komîta komcîvîne teng kîr. Ger pêşneyar bî tevayî nate qebûl kîrîn ji, qîsmek jê; "lî diji zulm û zordariya ser zîman û çand û surgûnkîrîna gelê kurd bête sekinandî." di belavoka dawîya komcîvîne da hate bî cîh kîrîn.

Lê mîxabî, lî ser komcîvîne bî her awayî tesîra sosyala demoq-rata aşkera bû û daxwazîya wan pêk hat.



PIRSÊN ZAROKÊN KURD

- ROHAT -


Dî 11/12/13'e meha duwamin da lî bajarê Stöckholmê cîvînek pîr mezîna lî ser rewşa zarokan hat pêkanîn. Ev cîvîna bî navê "Rojên Zarokan" hate bî navkirin û jî aliyê rêxistina "Rizgarkirina Zarokan" ev rojê hatin amadekirin. Ev rêxistina, rêxistîneke gelek mezîna dî warê çarêlêkirina pîrsên zarokan da, nêzkaya 70 hezar endamê wê hene.

dî wê cîvîna sê rojîna da nêzkaya 1000 kesî beşdar bûn, lî ser pîrsên zarokên Swêdê û zarokên cihanê gelek kesan raporên xwe xwendin û baweriyên xwe pêşkêş mêvanan kirin. Dî rojê duwemin da, ev cîvîna bî taybetî lî ser zarokên biyaniyan û rewşa wan hat firehkirin. Ev rojê bî navê "Rastiyên Psikologiyê Dî Nav Zarokên Biyaniyan da" hat navkirin. Zarokên ku welatê xwe hiştîna hatîna welateki din, pîrsên wan çîna eş, janên wan çîna, problemên zîman, çand û şaxsiyetê çawa xwe xuya dikin, ew zarokên ku dî nav şîr, dengê top-tîngan û dî nav belengaziyê da mezînbûne mirov çawa dikare alîkariya wan û malbatê wan bike, wek wan pîrsan gelek pîrsên dinjî, ser wan dan û standîna hate çêkirin. Hema dî wê rojê da lî ser zarokên kurd jî hate payîvandîna, rojnemevan Elin Classon, dî wî wari da baweriyên xwe diyar kir. Paşê filmê "Welatê Me Kurdistan" hat nişandin, pey

vi filmê zarokên kurd helbestên xwe xwendin, koma folklorî zarokên kurd çend listikên folklorîk pêşkêş mêvanan kirin. Dî wê beşa programê da bî hezaran kesan bala xwe da ser rewşa zarokên kurd û informasyon girtin.

Paşî ve programa rê rojîna, rojnamek Swêdê "Afton Bladet" bî keçeke kurd, BERNA'ye ra hevpeyvînek amadekir û da da weşandin. Dî wê hevpeyvîna dirêj da Berna lî ser rewşa Zarokên Kurd lî Kurdistanê, tîrxofên wan baweriyên xwe diyar kir.

Bî rasti, dî wê cîvîna zarokan da, gelek milletên biyaniyan lî ser zarokên kurd agahdar bûn û cîvîna bî kêrhatî derbaz bû



21 SIBAT ROJA DIJAYETIA KOLONIALİZMÊ

BRINDAR

Mê tînkari û tade dî dema cıvaka koletiyê da derketiyê û dî cıvaka Derebegi (Feodali) û cıvaka sermayedariyê (Kapitalizm) da berdewam bûye. Mê tînkari û koledari dî bergeha bî lind ya sermayedariyê da (dî dema emperyalizmê da) gihîşt pêlika hartır. Sermayedari dî her dema keysditinê da êriş bîrin ser welatên jar û koloni, bî leşkerên xwe mê tînkari û talanê berdewam kîrîn. Bî vi awayi kulmek welatên kolonyalist û sermayedar gelên Emerika, Afriqa, Asya û gelên Rojhilata Navin ji xwe ra kîrîn kole û mekanizma koledariyê xebitandin.

Dî dema Emperyalimê da gelên jar yê nî cihanê, ji ali welatên kolonyalist va hatibûn parvekirin û bîndestkîrîn. Bî vê hawê lî gel mekanizma koledariyê, liberxwedana welatên koloni bî xurtî berdewam dîkır.

Lî aliyê dî nî, dî warê parvekirina welatan dî navbeyna welatên koledar da dijberî derdîketin. Mezinbûna van dijberîyan bûn sedema destpêkirina şerê cihanê ya yekem.

Pîştî şerê duwemin, ku ev şer dî nav emperyalistan da parvekirina welatan bû, emperyalistên koledar ji bo pêkanina listikên nû xebitin. Jî bo wundakirina

tekoşina dijî emperyalizmê, hêzên leşkerî yê nî û xurt lî dar xistin. Bî vê yekê êdî bî awakî dî nî dest bî talankirina welatên bîndest kîrîn. Lê pîştî bî serketina Şoreşa Oktobê, gelên bî nî dest lî dijî koledaran bî awakî zanatîr rawestîyan. Gelên bîndest bî her awayî serî lî hember koledaran rakîrîn û ew rûreş dîkîrîn û dîkîrîn.

Bî vê rewşê dî sala 1965 an da 21 ê Sibatê ji ali Komisyona mafên mirovati ya Miletên bûyî wek rojek navnetewî ya lî dijî koledariyê hate diyarkîrîn.

Kurdistan cıvaka koletî û derebegî jiyayê û heta vê demê hatîye. Dî cıvaka koletiyê da, ku çî nî derketîne holê, gelên Kurdistanê gelek împaratorî ava kîrîne. (Lolobî-Gûti-Kasit-Med-Urartu-Kardaka-Mitan û hwd) Lê mîxabin îro jiyana xwe dî bî nî mercên koledariyê da dîdomîn. Gelên Kurdistanê weke, ku gelek împaratorî ava kîrîne, lî berî gelek êrişên bîyanî jî mane. Gelên Kurdistanê tî nî hemberî van dagîrkeran rawestîyan. Van êrişan jî ali împaratorîya Roma, Moxol, Yunanî, Ereb, jî Selçûqîyan heta Osmanîyan, jî Farîsan heta Tırkan hatîne. Lê, bî liberxwedana gelên Kurdistanê, ev dagîrkerana jî welê tî hatîne çewîrandî nî û kok bernedane.

Dî sala 1514 an de Kurdistan jî împaratoriyên koledar yê nî Osmanî û Eceman re dibe qada şer. Jî wê salê û vîr de dîkeve pêvajoka koletî û bîndestiyê. Dî sala 1639 an de Kurdistan dibe du parçe û dibe kolonîya va împaratorîyan. Her weha gelek welatên dî nî jî bûn kolonîya wan û xwîna wan hat rêtin.

Pîştî wan salan dî sala 1923' an de dî konferansa Lozan, ê de Kurdistan tî nî perçe kîrîn û dî nav sinorên Tırkiyê, Iraq, İran û Sûri de hêsir dimîne. Lê tekoşî nî liberxwedana gelê me lî hemberî van koledaran ranewestîya ye. Lî Kurdistanê jî bo mafên demokratîk û nîrovati gelek lîberxwedan çêbûn, lîberxwedanan dan dû hev. Lîberxwedanên sedsala 19 an dî sedsala 20' an de jî berdewam bûn û ev şer hê jî lî Kurdistanê berdewam in. Îro lî her çar ali Kurdistanê tekoşîna gelê me berdewam e. Ev tekoşîna lî dijî koledariyê wê heta bî dest anîna mafê çarenûsî wê bîdome.

21 Sibatê roja lî dijî koledariyê bîla bîbe nişana liberxwedanê jî bo gelên bîndest. Dîvê em bî her awayî lî vê bîdestxîstîna zanîstî ya çîna karkerên dî nî xwedî derkevîn.

--Bijî 21 ê Sibatê roja lî dijî koledariyê.

HEVAL CEMİL OZDEMİR
LI SYDNEY ÇÜ HEQIYA
XWE

Cemil Ozdemir, endamê Komita Birêvebira Gîştî ya Komela Kurdên Australya roja sêşemê , 8/1/1985 dî qezak tombilê de lî bajarê Sydney çû heqîya xwe. Bî çûyîna Cemil Komela Kurdên Australya û Kurdîstanê şoreşgêreki jir û bî qiret wenda kîrîn. Dî hîndîr zîkê her du salên bihurin de Cemil bê westabûn bo pêşvebirîna karê komelê û bo kurd û Kurdîstane xebata xwe berdewam kir. Hemû Kurdên lî bajarê Sydney, bî çûk û mezînan ve, Cemil wek birayek xwe dîdîtin û jî wi hez dîkîrîn. Tev ku ew bî hezaran kilomîtr jî welêt dûr bû jî, bîndestbûna gelê wi, ew zulma lî Kurdan dibe û ew bêtarên lî Kurdîstanê cih dîgrîn bî şev û roj jî bira wi ne dîçû; agirê tekoşînê roj bî roj dî hîndîr dilê wi de gurtîr û şêntîr dîbû. Gor zanebûna xwe, ta jî dest wi dîhat der wi bo gelê xwe ta seeta dawê jî jîyîna xwe xebatek jir domand. Bî rasti çûyîna Cemil dilên me hemûyan zor şewtand. Lê emê çî bîkîn; agir têkeve mala mîrî-nê, wê konê birayê me Cemil jî nav me barkîrîn da û rê neda ew merovê welatparêz bo ew xebata xwe ya jî dî salên tîn de bo gelê xwe bîdomine. Cemil xanîma xwe, du zarok, heval û hogrên xwe û xebatek jî lî dî xwe hîşt. Ruhê birayê me Cemil, hevaltî û hogrîya wi. Wê her dem bî me re bîn.

ŞAHÎNE BEKİR

Bî navê Kurdên lî Australya

ÇEND BERHEVOK DERHEQA KURDAN!

Mîrovên bî nav û deng derhe3a kurda û Kurdîstanê da.

Cihanê da du gel hene kîjana dîkarîn bîkûjîn, lê nîkarîn binne raê. Ew mîlet nîderland û kurdî.

Ceyms Oldric
Nîviskarê inglîsi komûnist

Kurd comerdê Rohilatê ne. Her mêreki kurd, lo hela her jî-neke kurd bî ruhê xweva helbestvane.

XAÇATÛR ABOVYAN
Hîmdarê literatûra ermenîye nû

Rohilatê da sê helbestvanên mezîn hene; ew Rûstavêliê gurce, Firdoûsie farîze û Ahmedê Xaniyî kurde.

H.ORBELI,
Akadêmîk-kurdzan

Pirtûka "Folklorî Kurdmanca" ku Heciyê Cîndî û Eminê Evdal sala 1936 an da hazîr kîrîne, qurana meye.

MEHMED QAZI
Serokê Komera Kurdîstanê

Sîtrananê radiyoya kurdi yê Yêrêvanê dewlemendîya gelê kurdaye û jî sîtrananê radiyoyê kurdi yê mayî delaltîr û paqîjîn. Ew emekê serok û berpîsya rên radiyoya kurdi Xelîlê Çaçan Mûradove, ku jî destpêkê da 1400 sîtrananê berev kîrîne û dane nîvisare.

QADIR DILAN
Kompozîtorê kurd

Ermenîstana Sovyetîstanê benda kurdzaniye lî cihanê gîşkî.

EBDULE GORAN
Helbestvanê kurdayî bî nav û deng

Pîraniya kurdên Anatoliya Rohilatê (Kurdîstana Tirkîya-yê) bes tenê guh dîdîne radiyoya Yêrêvanê ya kurdi.

ISMAYİL BEŞİKÇI
Siyasetzanê Turk

Radiyoya Yêrêvanê ya kurdîda 1400 sîtrananê kurdi hene. Û eger jî folklorî kurdi bes tenê sîtrananê bîmana, disa cihanê bîgota ku gelê kurd geleki aqîlmend û jê hatiye.

XELİL ÇAÇAN MURADOV
Hîmdar, serok û berpîsya radiyoya kurdi, jî sala 1957 an hetanî sala 1981 ê.

Berevkîr: Tê mûrê Xelîl

(Destpêk Rûpel 8'an da)

(berxwedana pêşdaçûna zevîçandîne lî kurdîstana Tirkîyê).

6- Asteng û perspektîven pêşdaçûna pêşesazîyê.

Hozanê ronakbîr dî va pirtûka xwe da 261 çavkani bî pîr zîman ûrîsî, ênglîzî, fîransî, elemani, erebî, farîsî, tirkî pêkanîye.

Pirtûk dî aliyê naveroka xwe da pîr dewlemende, nîviskar gelek ber xwe daye, ku hemû alî û rudawên jîna kurd û Kurdîstan bî hurgîlî, bî xwendevanên zîmanên ûrîsî bîde nasîn. Lê, hozan dî dawîya pêşgotîna xwe da disan dînivîse, wekî ev xebata pirtûka yekemîne, ku lî ser hemû aliyên jîna kurd û Kurdîstan rawestîye, jî ber vê yekê, dîbe dî va pirtûkê da kêmayî û kurtî jî hebîn. Ezê pîr kêfxweş bîm, ku xwendevan bawerîyên xwe jî lî ser bîdîm.

TAHIR Û ZAR

A. BALI
Berlin



Diroka Edebiyata Kurdi bi nivisandin gelek kevne. Lê bes bi gotin hin ji kevntire. Dî nav gelê me da hin tişt hene ku wekû destanin. Sedsalan vir da di nav gel da bi gotin û parastina hozanên Kurd heya iro têne gotin. Ji wana hin hatin komkirinê û hin ji wek Tahir û Zar hin nehatine komkirin û bi ronahiyê ne ketine. Teknik pêşda diçe. Dî vê demê da ew tiştên me yê diroki bi nivisandin nêne komkirin roj wê bê ew tiştên giranbiha wê windabin. Hozanên di nav gelê me da hin hene û ji wana gelek ji xwendin û nivisandin nizanin. Lê belê destanên ku heta çend rojan berdewam dikin hene bi stran û gotin tîn gotin. Ji wana Mem û Zin, Siyabendê Silivî û Xecê, Xelil Bego, Hesenik û Asê, Seyid Xan, Eli Xarziya, Dewrêşê Evdi û hin bi sedan ew destanên cûre cûre li her alî Kurdistan heye, mirov dikare ku bi nav bike.

Diroka gelê me di vê alî da gelek dewlemende. Lê belê kolonyalistan heya iro nehiştine ku bi nivisandin em wana kom bikin. Em dikarin bi hêsani bibêjin ku heya yê heya dijminan windakirine û agir berdane binê wana û ewan şewitandin. Lê bi gotin ne karibûne qedexe bikin.

Dî nav van destanên komnabûyî da, yan ji yê mun ne diyin da Tahir û Zarê pêşkêşî xwendeyan dikim. Ev destana gelek dirêje. Ji destan çend gotin,

TAHIR Û ZAR

Zarê dengê bang kir
go gire, gire lo Tahiro gire
Gire, gire lo surguno gire.
Lo tahiro tu keremke were

vire

Em ji hevra vekin qutiya dilan
Bila derdê dilê te bîmire
Xalîk disa li me bûye misafire
Siyarê xezê. xortê xizire
Mirazê dilê me tev xwedê kire.
Digo lo neman, neman

Zarê digot: Neman, neman
Lo Tahiro neman,
Ez heliyam bûm ...

Ax û qûma çiya û çeman
Te ra bûm pepûka ser keleman
Ez heliyam qet tû neman.

Li benda teme
Lo çeme çeme lo Tahiro çeme
Bila agirek mala qêricaliyê
Go: Tajiyên revê gihiştin heve
Ez ji te ra aşîqa diwaneme
Lo tahiro gîrbûm li benda teme.

De haydi haydi Zara te me
De bani bani lo Tahiro bani
Lo ez kewa te me, tu sekmani
Lo mûn çiya nehiştin goşt lê dani.

Lo mûn delav nehiştin av lê hilani
Çima xwedê mûn û te ra xirab ani.

Lo tahiro dem û dewrana me
Li ser balgiki tev dawî nani
De haydi, haydi Zara te me
Ji te ra aşîqa diwaneme.
Lo tahiro rê li dilan nare dilan
Lo surguno rê li dilan nare dilan
Tu ji mûn ra bû baxçeki sêv û gulan

Tu were destê xwe bide mûn
Em têkevî çepini herdû dilan.
Lo Tahiro wekû xweng û biran
Bila kes nîzane navbera me herdû dilan

De haydi haydi Zara te me
De şeve şeve lo surguno şeve
Were mala me tu rakeve

AX JI DERDE VAN BEBAXTAN

Jı Diyarbekra qehreman
Tê ya dengê kûr û gran
Nalina xortan,
Oirina jinan,
Axe-kufa belengazan; ax,
Van nezanan, van bê bextan,
Çıqa paşve mane, ax.

Jı Sowê to ya qehreman
Tê ye dengê kûr û gran
Tiji ê ş û jan
Jı derdê dızan;
Dıbin ser û binê erdê; ax,
Ax.....

Jı Selvedora qehreman
Tê ye dengê kûr û gran;
Faşist har bûne,
Dirjînin xwinê
Nedızanin mîrovdiyê ax
Ax.....

Jı filistina qehreman
Tê ye dengê kûr û gran;
Jinek digri,
Lawik mîri ye
Ew ji wek bavê wi kuştin ax
Ax....

Jı Mehebata qehreman
Tê ye dengê kûr û gran,
Mîndal sê wine
Oirin û şine
Bavê n mê rxas canfida bûn, ax
Ax....

Lı hemûbeşê n cihanê
Wek gelê me Kurdîstanê
Hinek dıgrine,
Bırçi û tine
Hın ji iroj hin bîndestn, ax
Ax....

ŞAHİNE SOREKLİ

KALEMERE KURD

Mame belengaz
Kalemêrê Kurd
Ez ji her tîştî
bê par hîştîme
Hebûnên mîn tev
ji xwer bîrîne
Ez dızanîm
Ez dîbinîm
Ez dızanîm xwedî neft î
Dızanîm
xwedî zêr û ziv î
Ez dızanîm welatê mîn
ji her welatî dewlemend tîr e
Ez dızanîm em geleki kevînar
ji yê n cihanê ne
Lê çîbkîm! Em îro lı bîn lîngan
û lı bîn destan î
Nezanî û pîrbendîyê
serê me xwariye
Jı vê yekê Kurd lı bîn destan
û xîzan î
Jı van derdan
Jı van ê ş û bîrînan
Jı van xem û ramanan
Mîn riha xwe spi kîrîye
Jı kul û derdan spi bûne
mûwê n laşê mîn
Le ez dızanîm dînya bî rêz e
Ez dızanîm ev rewş weha nameşe
Ez dızanîm rojekê wê welatê mîn ê şêrin
serbîxwe û gelê n me azad bîn
Ez dızanîm dem jî dema rojek
roja me heye
Xwezi mîn bîdîta Kurdîstana rengin
We derketana jî dîl kul û keder û brîn
Gelo heye ku bîbinîm bî çavan?
Mal û can serî jê re bî heyran
Bîla her hebe, her bîjî KURDISTANA
KURDAN !

BRİNDAR

JI BÎR Û RAYA GIŞTÎ RE

Dı dawiya sala bori zarokxanak Kurdan lı Tenstayê vebû û 15 zarokên Kurdan dest bı vê zarokxanê (Daghemê) kırın. Vebûna vê zarokxanê dı demek kurt de bala hukûmeta Tırkiyê û sixurên wan yên lı Swêdê kışand û ew ne rehet kırın. Lê belê bûyer, bes bı ne rehetiyawan ne ma. wek tê zanin Hukûmeta Tırkiyê, jı Hukûmeta Swêd bı hawaki fermi, ango resmi daxwazkır ku vê zarokxana Kurdan bıgırın. Ev daxwaza Hukûmeta Tırkiyê dı meha Çileyê Paşın de dı rojnama Svenska Dagbladet de, jı devê Konslosê wan hate eşkere kırın. Dı beyana xwe de Konsolos dıgot ku, lı Tırkiyê bes zımanek heye û ew jı Tırkiye. Dû re konsolos, bala Hukûmeta Swêd bı zımaneki "diplomatik" dıkişand û daxwaz dıkir ku vê zarokxanê bıgırın.

Lı ser vê daxwaza Hukûmeta Tırkiyê hetani nuha tu berpırsiyareki Hukûmeta Swêdê tu beyan ne dan û ditinên xwe eşkere ne kırın. Bes dı der heqê beyana Konsolosê Tırkan de, Şefê Socialê Ove Radberg beyanek da rojnama Dagens Nyheterya herêmi. Ove Radberg dı vê bayana xwe de bı xurti lı dij daxwaza Tırkiyê derdıkeve û dibê ku wê ev zarokxane wek yên hemû biyaniyan her biji û emê jı alikariya xwe pê re bıdın domandın.

Ev daxwaz û êrişaya Tırkiyê, lı hember me hemû Kurdên welatparêz, pêşverû, bı rexıstın û bê rêxıstın e. Dema ku em vê bûyerê bıçûk bıbinın, yan jı dı ser guhên xwe re bavêjin, wê demê wê Tırkiye cesaretê bıgre, ku hın daxwazên dın jı, jı Hukûmeta Swêdê bıke. Lewra jı divê em lı hember vê yekê, lı hember vê daxwaza lı dij mafên mırovi derkevın û dengên xwe bı xurti bılınd bıkın.

EMÊ ÇAWA DENGÊ XWE BILIND BIKIN ?

Bê guman divê li dij vê êrişa Hukûmeta Tırkan bê derketin. Dı vi wari de ne hewceye ku mirov dūr û dirêj li ser fêde û pêwistiya vê yekê bisekine. Ji ber ku bûyer, gelek eşkereye: Hukûmeta Tırkiyê dixwaze mafeki me yê insani û demokratik li vir ji dest me bide girtin. Yê dıkeve ser milê me ji eve ku, em ji vi mafê xwe bıparêzin û li dij vê êrişa Tırkiyê derkevin. Lê, çawa û bı çı hawi?

Bê guman dı vi wari de wek hemû rêxistin û komeleyên Kurd, bareki mazın dıkeve ser milê Federasyona Komelên Kurdistan ji. Divê Federasyon bê deng ne mine û li hember vê daxwaza Hukûmeta Tırkan bı xurti derkeve û dengê xwe bıgihine meqamên swêdiyan. Li ser vê bir û baweriyê Federasyona me, dı kongra xwe ya 5'an (26/27.1.1985) de ev bûyer girte rojeva xwe û bı nûnerên Kongrêva li ser sekini, pêşniyar û ditinên nûneran girt. Dı dawiyê de Kongra me li ser vê yekê hin bıyar girtin. Bıyarên ku Kongrê girtin ev bû:

Divê Kongre, ji Hukûmeta Swêdê û Parlamentoyê re têlgrafekê bışine û ji wan daxwaz bike ku ew, vê bûyerê bıncil nekin, li dij daxwaza Tırkiyê derkevin û rewşa xwe bıyar bikin.

— Divê Kongre, ji parlamenterê VPK Oswalt Soderquwist re têlgrafeke bışine û ji Oswalt daxwaz bike ku ew, vê bûyerê bı riya partiya xwe bıbe parlamentoyê û dı parlamentoyê da li ser bê te axaftin.

— Divê Kongre, ji Şefê Social Byra Ove Radberg re ji bona beyana wi ya rojnamê sipasnamakê bışine û ji bo piştgirıya wi jê re sipas bike.

Piştı Kongrê, Komita Kargerı Fedarasyonê ya nû ev her sê bıyarên Kongrê bı cih ani, angı ji Hukûmet, Parlamento, Oswalt û Ove Radberg re têlgraf şand û ji wan ev daxwazên jorin kir.

Bê wan her sê bıyaran, Kongrê bıyarek dın ji girtı bû, ku belavokekê ji birûraya giştı re belav bike û ji hemû Kurdên pêşverû welatparêz van daxwazên jêrin bike:

a) Kongra Federasyona Komelên Kurdistan ya 5' ji hemû rêxistin, komela û Kurdên pêşverû, welatparêz daxwaz dıke ku ew ji Hukûmet û parlamento yê re têlgrafan (Naman) bışinin û ji Hukûmet û Parlamentoyê daxwaz bikin ku ew, dı vê bûyerê de bê deng ne minin, ditinên xwe eşkere bıbêjin û li dij daxwaza Hukûmeta Tırkiyê Derkevin.

Divê her rêxistin, komel û hemû Kurdên pêşverû û welatparêz ji Oswalt Soderquwist re têlgrafan bışinin û jê daxwaz bikin ku ew, vê bûyerê bı riya partiya xwe bıbe parlamentoyê.

b) Cardın divê her rêxistin, komel û her Kurdeki pêşverû û welatparêz, ji Şefê Social Byra ya tensta Ove Radberg re têlgrafan bışinin. Ji bo beyana wi jê re sipas bikin û piştgirıya xwe nişan bıdın.

Em, (Federasyona Komelên Kurdistan) bı vê belavokê, vê bıyara Kongra ji bı cih tinin. Û em hêvi dıkin ku, wê her Kurdeki welatparêz wê dı ber xwe re name û telgrafan ji Hukûmetê û li dij êrişa Tırkiyê derkeve.

Çawa ku hin daxwaz û hêviya her Kurdeki ji Fedarasyonê heye, her wısa hin daxwazên Federasyonê ji ji Kurdên li Swêdê dıjin heye. İro roj,roja kuem dengên xwe bı hev ra bılınd kın û li dij vê êrişa Tırkiyê bı hev re derkevin.

FEDERASYONA KOMELÊN KURDISTAN
LI SWÊD
11.2.85

www.arsivakurdi.org

ADRESS/NAVNIŞAN:
RISSNELEDEN 55,NB
172 44 SUNDBYBERG/SWEDEN

MASSKORSBAND

